



საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტის  
წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო

გ ა დ ა წ ყ ვ ე ტ ი ლ ე ბ ა № 07-01/20

ქ. ბათუმი

02 ივნისი, 2021 წელი

„ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესის დამტკიცების თაობაზე“ ბსუ-ს წარმომადგენლობითი საბჭოს 2019 წლის 22 ნოემბრის N07-01/47 გადაწყვეტილებაში ცვლილებების და დამატებების შეტანის თაობაზე

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, „ბსუ-ს დიპლომირებული მედიკოსის ერთსაფეხურიანი (ინგლისურენოვან) საგანმანათლებლო პროგრამაზე პირველ ნაკადზე ჩარიცხული სტუდენტებისათვის კვალიფიკაციის მინიჭების შემდგომ განსახორციელებელი ზოგიერთი ღონისძიების შესახებ“ ბსუ-ს აკადემიური საბჭოს 2021 წლის 20 აპრილის N06-01/36 დადგენილების, ბსუ-ს დიპლომირებული მედიკოსის ერთსაფეხურიანი (ინგლისურენოვან) საგანმანათლებლო პროგრამის სტუდენტებისათვის კვალიფიკაციის მინიჭების დამადასტურებელი ცნობის გაცემის ზოგიერთი ღონისძიებისა და სამუშაო ჯგუფის შექმნის შესახებ“ ბსუ-ს წარმომადგენლობითი საბჭოს 2021 წლის 21 აპრილის N07-01/18 გადაწყვეტილების, რექტორის მოადგილის 2021 წლის 27 მაისის N492609 სამსახურებრივი ბარათის, სამუშაო ჯგუფის 2021 წლის 27-28 მაისის სხდომების ოქმების, სამუშაო ჯგუფის სხდომის მდივნის 2021 წლის 28 მაისის N499363 სამსახურებრივი ბარათის და წარმომადგენლობითი საბჭოს რეგლამენტის საფუძველზე წარმომადგენლობითმა საბჭომ

გ ა დ ა წ ყ ვ ე ტ ა :

1. „ბსუ-ს უცხოენოვან საგანმანათლებლო პროგრამაზე სწავლის საფასურის გადახდის წესის დამტკიცების თაობაზე“ ბსუ-ს წარმომადგენლობითი საბჭოს 2019 წლის 22 ნოემბრის N07-01/47 გადაწყვეტილებაში შევიდეს ცვლილებები და დამატებები, კერძოდ, გადაწყვეტილებით დამტკიცებული წესის (N1 დანართის):

ა) მე-2 მუხლის მე-4 პუნქტის ჩამოყალიბდეს შემდეგი რედაქციით:

„4. სტუდენტისათვის სწავლის საფასურის (დამატებით/განმეორებით სასწავლო კურსების გავლის საფასური) დარიცხვა ხორციელდება:

ა) პირველ სასწავლო წელს - შესაბამისი სასწავლო წლის დაწყების დღეს მოქმედი ეროვნული ვალუტის კურსით;

ბ) მე-3 სემესტრიდან (მეორე სასწავლო წლიდან) და ყოველ მომდევნო სემესტრში - შესაბამისი სემესტრის დაწყების დღეს მოქმედი ეროვნული ვალუტის კურსით.“;

**ბ) მე-3 მუხლის მე-2 პუნქტი ჩამოყალიბდეს შემდეგი რედაქციით:**

„2. ბსუ-ში სწავლის მე-3 სემესტრიდან და ყოველ მომდევნო სემესტრში, სწავლის წლიური საფასურის ნახევარი, როგორც წესი, გადახდილი უნდა იქნეს (ადმინისტრაციული რეგისტრაცია გავლილი უნდა იქნეს) არაუგვიანეს ახალი სემესტრის დაწყებამდე 2 კვირის ვადაში (თუკი ბსუ-ს რექტორის ბრძანებით, სტუდენტთა მოზიდვის შესახებ შესაბამის კომპანიასთან გაფორმებული მემორანდუმით ან სტუდენტთან გაფორმებული ხელშეკრულებით სხვა ვადა არ არის გათვალისწინებული).“;

**გ) მე-4 მუხლის მე-3 პუნქტი ჩამოყალიბდეს შემდეგი რედაქციით:**

„3. იმ შემთხვევაში, როცა შესაბამის სემესტრში სტუდენტის მიერ დარეგისტრირებული სასწავლო კურსების მოცულობა აღემატება 30 კრედიტს, იგი ვალდებულია სწავლის საფასური გადაიხადოს დარეგისტრირებული სასწავლო კურსების მოცულობის (კრედიტების) შესაბამისად.“;

**დ) მე-4 მუხლის მე-4 პუნქტის „გ“ ქვეპუნქტი ჩამოყალიბდეს შემდეგი რედაქციით:**

„გ) საქართველოს კანონმდებლობით და ბსუ-ს სასწავლო პროცესის მარეგულირებელი წესით განსაზღვრულ სხვა შემთხვევაში.“;

**ე) მე-5 მუხლის მე-2, მე-3, მე-4 და მე-5 პუნქტები ჩამოყალიბდეს შემდეგი რედაქციით:**

„2. სტუდენტს შეუჩერდება ბსუ-ს სტუდენტის სტატუსი და არ დაერიცხება შესაბამისი სემესტრის სწავლის საფასური, თუკი:

ა) წარმოადგენს წერილობით განცხადებას ბსუ-ს სტუდენტის სტატუსის შეჩერების შესახებ, არაუგვიანეს შესაბამისი სემესტრის აკადემიური რეგისტრაციის ვადის ამოწურვამდე ან ბსუ-ს წესდებით განსაზღვრული ვადის გასვლამდე;

ბ) არ გაივლის შესაბამისი სემესტრის აკადემიურ რეგისტრაციას დადგენილ ვადაში და წესით.

3. სწავლის მე-2 წლიდან (მე-3 სემესტრიდან) სტუდენტს შეუჩერდება ბსუ-ს სტუდენტის სტატუსი სწავლის საფასურის გადაუხდელობის გამო, თუკი დადგენილ ვადაში გაივლის ამ

სემესტრის აკადემიურ რეგისტრაციას, მაგრამ არ გადაიხდის სწავლის საფასურს სრულად (არ გაივლის ადმინისტრაციულ რეგისტრაციას).

4. სტუდენტს, რომელსაც შეუწყდება ბსუ-ს სტუდენტის სტატუსი, არ დაუბრუნდება:

ა) უკვე გადახდილი (მისი ან მესამე პირის მიერ გადახდილი) გასული სასწავლო წლების/სემესტრების სწავლის საფასური. სტუდენტს არ დაუბრუნდება ასევე მიმდინარე სემესტრის სწავლის საფასური (მათ შორის დამატებით დარეგისტრირებული სასწავლო კურსების გავლისათვის გადახდილი სწავლის საფასური), თუკი მიმდინარე სემესტრის აკადემიური რეგისტრაცია გაიარა ბსუ-ს სამართლებრივი აქტებით დადგენილ ვადაში და წესით და სტუდენტის სტატუსის შეწყვეტის შესახებ განცხადება წარმოადგინა აკადემიური რეგისტრაციის ვადის ამოწურვის შემდეგ;

ბ) პირველი სასწავლო წლის სწავლის საფასური, მიუხედავად იმისა, თუ რომელ სემესტრში შეუწყდება პირს ბსუ-ს სტუდენტის სტატუსი. პირადი განცხადების ან აკადემიური რეგისტრაციის გაუვლელობის გამო სტუდენტის სტატუსზეჩერებულ პირს უფლება აქვს სასწავლო პროცესში დაბრუნების შემდეგ პერიოდში გამოიყენოს უკვე გადახდილი პირველი სასწავლო წლის სწავლის საფასური.

5. სტუდენტს სწავლის მე-2 ან შემდეგ წლებში დაუბრუნდება წინასწარ გადახდილი სწავლის საფასური შემდეგ შემთხვევებში:

ა) თუკი გადახდილი აქვს შესაბამისი სასწავლო წლის სწავლის საფასური, გაიარა ამ სასწავლო წლის პირველი სემესტრის აკადემიური რეგისტრაცია, თუმცა შეუწყდა ბსუ-ს სტუდენტის სტატუსი, მის მიერ ამავე სასწავლო წლის პირველი სემესტრის აკადემიური რეგისტრაციისთვის განსაზღვრული ვადის დასრულებამდე წარმოდგენილი წერილობითი განცხადების საფუძველზე (ამ შემთხვევაში დაბრუნებას ექვემდებარება მთლიანი სასწავლო წლის საფასური, ასევე მიმდინარე სასწავლო წლის პირველ სემესტრში სტუდენტის მიერ დამატებით დარეგისტრირებული სასწავლო კურსების სწავლის საფასური (დავალიანებული/ე.წ. „კურსის გავლის“ ან შეფასების გაუმჯობესების მიზნით ხელახლა რეგისტრირებული);

ბ) თუკი გადახდილი აქვს შესაბამისი სასწავლო წლის სწავლის საფასური, გაიარა ამ სასწავლო წლის მეორე სემესტრის აკადემიური რეგისტრაცია, თუმცა შეუწყდა ბსუ-ს სტუდენტის სტატუსი, მის მიერ ამავე სასწავლო წლის მეორე სემესტრის აკადემიური რეგისტრაციისთვის განსაზღვრული ვადის დასრულებამდე წარმოდგენილი წერილობითი განცხადების საფუძველზე (ამ შემთხვევაში დაბრუნებას ექვემდებარება მხოლოდ მიმდინარე სასწავლო წლის მე-2 სემესტრის, ასევე ამავე სემესტრში სტუდენტის მიერ დამატებით დარეგისტრირებული სასწავლო კურსების სწავლის საფასური (დავალიანებული/ე.წ. „კურსის გავლის“ ან შეფასების გაუმჯობესების მიზნით ხელახლა რეგისტრირებული);

გ) არ გაივლის შესაბამისი სემესტრის აკადემიურ რეგისტრაციას ბსუ-ს სამართლებრივი აქტებით დადგენილ ვადაში და წესით და ბსუ-ს რექტორის ბრძანებით შეუჩერდება ბსუ-ს სტუდენტის სტატუსი ამავე სემესტრის სწავლის საფასურის დარიცხვის გარეშე (საფასურის გადახდის ვალდებულების გარეშე).“;

**ვ) მე-6 მუხლს დაემატოს მე-4, მე-5 და მე-6 პუნქტები და ჩამოყალიბდეს შემდეგი რედაქციით:**

4. ფინანსური დავალიანების მქონე ბსუ-ს სტუდენტის სტატუსზე წყვეტილ პირზე/კურსდამთავრებულზე, არ გაიცემა ინფორმაცია/დოკუმენტი (ცნობა/სასწავლო ბარათი/დიპლომი, ასევე მის პირად საქმეში არსებული დოკუმენტაცია). გამონაკლისი დაიშვება მხოლოდ შესაბამისი საფუძვლების/განსაკუთრებული გარემოებების არსებობის შემთხვევაში, ბსუ-ს წარმომადგენლობითი საბჭოს გადაწყვეტილებით.

5. სტუდენტის აკადემიური ან/და ადმინისტრაციული რეგისტრაციის შედეგების მიხედვით ბსუ-ს სტუდენტის სტატუსის შეჩერებასთან დაკავშირებით სამართლებრივი აქტები შესაძლებელია გამოიცეს წინამდებარე წესისაგან განსხვავებულ ვადებში, ბსუ-ს აკადემიური საბჭოს დადგენილების ან რექტორის ბრძანების მიხედვით, შესაბამისი ფაქტობრივი გარემოებების ან/და სასწავლო პროცესის თავისებურებათა გათვალისწინებით.

6. სწავლის საფასურის გადახდასთან დაკავშირებით შედავათები შეიძლება გავრცელდეს მხოლოდ წარმომადგენლობითი საბჭოს გადაწყვეტილებით.”.

2. წინამდებარე გადაწყვეტილება ითარგმნოს ინგლისურ ენაზე და უზრუნველყოფილი იქნეს ბსუ-ს ინგლისურენოვანი საგანმანათლებლო პროგრამის სტუდენტებისათვის გაცნობა.

3. განხორციელებული ცვლილებების და დამატებების გათვალისწინებით მომზადდეს კონსოლიდირებული ვერსია იურიდიული დეპარტამენტის მიერ და მისი ინგლისურენოვანი თარგმანი გამოქვეყნდეს ბსუ-ს ვებგვერდზე (ვებზე „საუნივერსიტეტო ნორმატიული აქტები“, ინგლისურენოვან ვებგვერდზე და „სტუდენტის გზამკვლევი“).

4. გადაწყვეტილება დაეგზავნოს ბსუ-ს მართვის ორგანოებს, რექტორის მოადგილეებს, ბსუ-ს საბუნებისმეტყველო მეცნიერებათა და ჯანდაცვის ფაკულტეტს, სტუდენტთა კარიერული განვითარების, კულტურის და სპორტის დეპარტამენტს, სტრატეგიული განვითარებისა და საგარეო ურთიერთობათა დეპარტამენტს, საინფორმაციო ტექნოლოგიების სამსახურს, საფინანსო-ეკონომიკურ დეპარტამენტს, იურიდიულ დეპარტამენტს და სასწავლო პროცესის დეპარტამენტს.

5. გადაწყვეტილება ძალაშია ხელმოწერისთანავე.

6. გადაწყვეტილება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

**წარმომადგენლობითი საბჭოს სპიკერი,**

**პროფესორი**

**დ. ბარათაშვილი**